

# QVÆSTIO MEDICA

## QVOD LIBETARIIS DISPUTATIONIBVS MANE DISCVTIENDA IN SCHOLIS

### MEDICORVM, DIE IOVIS XIV. MENSIS DECEMB. MAGISTRO ANTONIO ROBIN DOCTORE MEDICO MODERATORE.

An Febribus purpuratis sudorifica?

645

**F**EBRIS licet frequens, grauiſſimum tamen morbi genus, toti corpori, omni ætati, temperamento, ac regioni commune, rectè dicitur Calor præter naturam, in corde primo accensus, ab eo in totum corpus effusus, omnes functiones lædens: Hic non aliud nativum, tamen fœcus est, modò spiritibus, modò humoribus, modò solidis partibus infixus; unde triplex febris species: Hæctica ardente intensior, quæ in solidis partibus febrium omnium subiecto collocata; Etsi sæpius Ephemeris & humoralibus succedat, nihilominus potest primò & immediatè inuadere; annotatione incomprensa eius signo pathognomonico iudicanda: Ephemera in spiritu vitali accenso cõsistens, omnium leuissima & breuissima, quandoque pestilens citissimè iugulans, ex dem spiritu putrefacto: Humoralis sedem habens in humoribus, qui solum accensi continuam febrem *συνεχὴν* pariunt, putrefacti *συνεχὴν* dictam, essentialem aut symptomatice, hancque *φλεγματὶδα* vel *τυφοῦδα*, si humor in vasis maioribus putrefiat. Inter mittentem in Tertianam, Quotidianam & Quartanam distinctam, si in minoribus & corporis habitu. In quarum plerisque febrium differentiis, Natura quod sibi molestum est expellere tentans varias moliri solet excretiones, quandoque hæmorrhagiam, aliàs sudorem vel diarrhœam; quos omnes motus, naturæ morborum medicatricis, medicus imitator sequi debet; alioqui natura variè commouetur, vires frustrà deiciuntur, æger in vitæ discrimen adducitur.

**S**ic sanguinis è quacumque parte vacuatio venæ sectione; vomitus purgatione per superiora opus esse declarat; in febre humoralis, quæ *κατὰ τὸν αἵμα* putrida nuncupata, Ephemerâ grauior est, Hæctica securior; In ea humores putridi nullis coequentibus medicamentis pristina natura restituuntur. Quid ita? Putredo naturalis mixtorum omnium, etiam elementorum, excepto igne, corruptio, vnica est, singulari putrefacta ad elementa vsque resolvens, definienda, proprii & innati caloris in vnoquoque humido existentis, ab externa ambientis aëris caliditate corruptio; Quæ ab vltione, vnico altero corruptionis modo, distinctam, magna paruis, mota quietis, frigore concreta non congelatis difficilius contrahunt. Inter cætera corpus nostrum constituenta, humores facillimè, non tamen necessariò prohibita diffusione; nè quis febris putridæ curationem ab obstructione tollenda semper ordiendam efficeret: Cæterum putredo febribus ferè omnibus adiuncta, pro causæ putrefactionis magnitudine, magnam latitudinem obtinet: vulgaris, febres simpliciter putridas minus periculosas concitat: Insignis, veneni naturam sapiens, citrà occultam aliam qualitatem, determinatum astrorum aspectum vel concursum, pestilentes, à peste, nunquam febris experte, nullâ ratione distinctas.

**H**Æ febres pestilentes semper putridæ vt in vulgus grassantur, ita communem causam sortiuntur; eamque aut aërem, ex infectis paludibus, lacubus, antris, specubus, animantium cadaueribus, eorum excrementis, retrisque aliis expirationibus, vel inæquali constitutione, præcipuè austriâ pluuiarum experte inquinatum; aut prauam victus rationem, quâ spiritus & humores putridorum alimentorum esu corrupti, veneni vires acquirunt. Ab his etsi differant malignæ, non tamen purpuratæ, veteribus non incognitæ: In quibus natura ad cutim, vniuersale corporis emunctarium, solet venenosi humoris partem propellere; sic enim à stigmatis rubellis maculis puncturis pulicem similibus in cute erumpentibus suum nomen deproptere; peracutæ quidem, malignæ, contagiosæ, epidemicæ, vt plurimum *νεκρωδὴς*, vitalem cordis facultatem suâ venenata perniciè oppugnant, sæpius expugnant; nimirum natura pessimum virus modò per carbunculum, modò per bubonem, longè tutius per *ἐλκυσίαν* seu *ἐλκὸς* excernit, præsertim si die critico foras erumpant, purpurea ac multa; alioqui si pauca sint, si liuida & valde punicea, si agere erumpant, vel delitescant, mors in procinctu. Febres hæc initio mites & placidæ, suæ mox præbunt signa malignitatis; vlcerosam membrorum lassitudinem pariunt, capitis grauitatem, oculorum ruborem, surditatem modò salutarem, modò noxiam, quandoque somnum profundum, faucium oppressionem: Pulsus rarus est, humilis & occultus, vrina tenuis, deinde crassa & confusa, egestiones alui fetidæ, biliosæ, non sine vitæ periculo morbi initio fluidæ, sitis nulla vel exigua, lumbrici quamvis ex putrefactis non geniti excernuntur; denique grauis halitus semper putredinis comes, non tamen index, ab vniuerso corpore exspirat.

**T**AQVE ad cutim virulentis humores purpuratarum febrium materia euocandi, ad motis scapulis & femoribus cucurbitulis, hirudinibus, calidis & molliusculis frictionibus, extremarum partium ligaturis. An phlebotomia celebranda? Valent qui purpureis hæc maculis apparentibus in plethoricis, vrgente febrili intemperie, atate florida ac viribus consentientibus tam insigne remedium dehortantur; quod quidem naturam parte oneris leuat, meliorem corporis transpirationem reddit, incendium minuit, causam nouæ putredinis arceat, nec virus retrahendo internus ac nobiles partes contaminat; Quod damnum præstat purgatio, siue per alium siue per vomitum instituat; idèoque damnanda papulis emergentibus, licet leuiter vsurpentur medicamenta. Contrà satis laudari nequeunt vesicatoria malignis affectibus proficua, quæ suo calore & dolore, humores deleterios ad cutim omnium corporis partium imbecillimam attrahunt; plura vel pauciora pro affectus magnitudine adhibenda, præstat enim prodesse quàm placere, & gratia fugienda per quam concordia perit.

**M**NE ferunt punctum sudorifica, non ea quidem exotica vehementiora vt Guaiacum, sassafras, sar saparilla, veneris calcitratu oblectis relinquenda; sed mitiora parata ex decocto radicum asparagi, apij, graminis, fœniculi, feminum cardui, fœniculi, foliorum betonicæ, verbenæ, calendulæ, hyperici, ficuum, additis passulis & liquiritiæ, & syrupo acetoso, quibus virulenta perniciès exspirat: Idem præstat theriacæ verus venenatis affectibus præfens alexipharmacum: lapidem Bezoardicum non reicerem, nisi vt plurimum adulteratus haberetur: sudores quoque mouebunt fomenta calida, vaporations ex decocto emolliente & aperiente, inunctiones ex butyro recenti, quandoque balneum aquæ dulcis. Intereà clysteribus cardiacis sumptis potiùs quàm ad motis, cum optimâ victus ratione ex *διαιτῇ* & *διηταιν* alimentis, vini abstinentiâ, somno mediocri, procul amotis timore & tristitia, si quidem maligni affectus sæpius æquè efficaci imaginatione & metu quàm contagio serpunt; nè medicamentorum sudores mouentium debellandis his febribus vtilium beneficium, maiori prauæ viuendi legis maleficio destruat.

Ergo Febribus purpuratis sudorifica. 92

Propu gnabat Lutetiæ FRANCISCVS MALLET LOCOVERIENSIS, Anno R. S. H. M. DC. XXIII.

DOMINI DOCTORES DISPUTATVRI.

M. FRANCISCVS BOVIONNIER. M. R.  
M. IOANNES BERAULT.  
M. FRANCISCVS MANDAT.

M. FRANCISCVS QVIVEBEVF.  
M. CLAVDIVS LIENARD.  
M. REGNATVS MOREAV.

M. SIMON BAZIN.  
M. NICOLAVS PIETRE.  
M. IACOBVS COVSINOT.